

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

CCXXXIV.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

Comitatu Mompelgartensi, nisi quod quinque recusarunt subscriptiones, quibus conceditur spatium deliberandi. In Marchionatu Badensi omnes subscripserunt, præter paucos admodum in ditione Rötelenſi, quos proculdubio solus perturbavit D. Joannes Jacobus Grynæus, qui neque calidus est neque frigidus. Datum est & illis, sed breve, deliberandi spatium. Illustrissimus meus Princeps dicebat mihi: Man fan und soll dises Werck von aines Reidigen Schaafs oder zwayer wegen nicht ersigen lassen. Cingliani valde laborant, ut Conventum Principum in hoc negotio impediant, sed, ut plane confido, nihil obtinebunt. Video enim, piorum Principum nostrorum animos pie adversus istas technas obfirmatos & munitos esse, Dominus ipsos in hoc sancto proposito conservet & confirmet potè. Accepimus jam aliquot subscripta exemplaria ex iis locis, in quibus (posteriore profectioe nostra) subscriptionem petivimus: reliqua indies expectamus. Cum autem Argentina sit ex præcipuis Germaniæ Civitatibus, valde gratam rem faceret Illustrissimo meo Principi senatus ille inclutus, si subscriptionem maturaret. Sic enim exemplaria citius ad Electores mitti possent. Qua in re, quæso, ut R. tua elaboret, quantum quidem licebit. Et credo, negotium etiam per Clarissimum Virum D. D. Ludovicum Grempium promoveri plurimum posse, quem ex me salvere ut jubeat tua R. valde oro. Bene & fæliciter Valeat R. tua, & ex me Dominos Collegas & fratres, in primis D. Flinnerum salutare non gravetur. Salutant Tuam R. D. præpositus Studgardianus & reliqui nostri Collegæ. Data Studgardiaë raptim 24. Octobris Anno 1577.

Tua R.

deditiss.

Lucas Osiander D.



CCXXXIV.

Salutem in Jesu Christo. Venerande & clarissime

Vir, Domine & Præceptor colende.

UTi factum est cum M. Ruperto aliud, quam sperassemus, gratum tamen nobis accidit, quod tua H. nobis loco ipsius M. Sebastianum misit, præsertim cum videatur, illi in omnis generis donis, quæ ministro verbi necessaria sunt, conferendus. Ira autem fecimus: postquam auditus semel atque iterum à nobis & nostris fuit, declaravimus Senatui sententiam nostram scripto,

Bbbb 3.

cum.

cumque sciremus optare eum sibi virum, præter cætera, autoritate etiam spectabilem, nominavimus præ omnibus D. D. Jeremiam, quem si nobis permittere nolleret, petimus, ut vel Wirtebergensem à Dn. Bidenbachio missum, vel hunc M. Sebastianum nobis permitteret, inque ministerio conjungeret. Re deliberata, decretum fuit, ut M. Sebastianus reciperetur, reliquis præteritis. Et si autem non pauci à vehementia Spiritus, quæ in D. Jeremia est, sibi metuerunt, boni tamen quique existimarunt, fieri posse, ut ministerio etiam gravis accideret ea, quam præ se fert, autoritas, siquidem, quæ sibi videretur, contra nos etiam facturus, atque ita concordiam nostram perturbaturus esset. Nos, quod decretum fuit, gratum habuimus, & adduximus M. Sebastianum ad Scholarchas, qui eum receperunt nomine Senatus, promissis ei in annum stipendium 150. fl. & decem saccis frumenti, si maritus fiat, augetur ei stipendium, ut habeat illud nobiscum æquale. Tempus adventui ejus non est certum præfinitum, sed permittitur ei mensis unus atque alter. Quod reliquum est, gratiam habemus tuæ H. quæ nobis bono collega prospexit, & vicissim parati sumus ad omnia humanitatis officia vobis etiam pro viribus exhibenda. Colaudamus etiam Dominum DEUM nostrum, qui bene omnia nobiscum fecit. Salutamus omnes nos ministri hujus Ecclesiæ tuam H. & omnes vestros in Domino. Francofurti, 24. Octobr. Anno 77.

T. H.

observantiss.

Petrus Patiens, nomine meo,
& fratrum Collegarum.

CCXXXV.

DE conventu Smalkaldico quod tam altum est silentium, etsi miror, cum soleant ejusmodi actiones tam solennes mox spargi etiam ante eventum; Spem tamen foveo, non sine fructu exiturum, & protractione dagi à Domino consilia, quæ sint salutaria Ecclesiæ. Quod amplissimus magistratus vester in Cælestini postulatione sapientissimè pronuntiavit, se nolle Zuinglianorum confessioni annumerari, argumento est, veram doctrinam se amplecti & tueri constituisse. Atque hoc magis condonandum est, si quid humani patitur ob civiles rationes, quo minus consenserit in subscriptionem, quia spem fovere bonam possumus, vel ad versarum importunitate impulsus iri, ut aliquando plenius suam sententiam patèfaciat. De me quod scribis, intelligo pietatem & charita-